



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius

Ginther, Anton


Augustæ Vindelicorum, 1733

VD18 12431648

Consideratio XXXII. Daniel in lacum leonum missus, pulcherrimus typus crucifixi Salvatoris nostri.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

rum: Cateram duplici illud jure obtinens Dominus meus, hereditate scilicet Patris, & merito Passionis; altero ipse contentus, alterum mihi donat, ex cujus dono jure illud mihi vendicans non confundor. Applica hoc tibi mi Lector Staurophile, & vade in pace.



CONSIDERATIO XXXII.

Daniel in lacum leonum missus pulcher- rimus typus crucifixi Redemptoris nostri.

*Adduxerunt Danielelem, & miserunt eum in lacum leo-
num. Dan. 6. 16.*

I.

Daniel Propheta nobilissimus, quia de Regia stirpe Juda oriun-
dus, juxta ac sanctissimus, dum illibatam virginitatem per-
petuo coluit, Christum JESUM & hunc crucifixum clarissi-
me praevidit, dum illum in captivitate Babylonica non tan-
tum Israëlitis concaptivis fratribus, sed & Chaldaeis, Persis ac
Medis annuntiavit venturum, orbemque terrarum per mortem crucis
redempturum; imò quod majus est, ipsum tempus denominavit,
quo à proprio populo esset negandus, atque occidendus: *Post hebdo- Dan. 9. 26.
mades sexaginta duas occidetur Christus: Et non erit ejus populus, qui eum ne-
gaturus est.*

2. Idem Daniel clarissime praevidit Christum per illum lapidem
qui sine manibus de monte abscissus, quadriformem statuam Nabu-
chodonosoris uno momento contrivit, atque comminuit: *Abscissus est Dan. 2. 34.
lapis de monte sine manibus, & percussit statuam in pedibus ejus terreis & sili-
bus, & comminuit eos. Per quem lapidem Christus & hic crucifixus, tan-
quam lapis angularis & fundamentalis adumbratus est, qui per san-
ctam crucem suam quatuor idolorum regna contrivit, & evertit; imò
adhuc hodie magis magisque giganteam mundi statuam comminueret,
ac labefactare solet, dum regnum suum sub vexillo S. Crucis ex omni
parte nunc in orbe, tum inter Gentiles & Paganos, tum inter hæreti-
cos mirum in modum auget, & inimicos crucis confundit.*

3. De

3. De eodem Daniele refert Scriptura, quod contra edictum Regis ter de die, videlicet horâ tertiâ, sextâ & nonâ, hoc est: Manè, Meridie & vespere contra faciem Jerusalem & templum sanctum ad DEUM oraverit: *Et fenestris apertis in camaculo suo contra Jerusalem tribus temporibus in die stettebat genua sua, & adorabat*; Ita enim teste Lirano, quondam mos erat Judæorum, quod ter de die ad DEUM preces funderent: Manè horâ tertiâ, quia tunc legem à DEO in monte Sinai acceperunt: Sextâ, quia tunc Adam in peccatum lapsus, & eâdem horâ à Moyse serpens in palo pro salute & medela populi erectus est: Nonâ, quia tunc petra à Moyse virgâ bis per modum crucis percussa, populo sitienti abundantes aquas in Cades subministravit.

Vide hic Firinum.

Verùm Daniel utpote Propheta sanctissimus ac Sapientissimus facile ex hac umbra veritatem, & ex figura agnovit figuratum. Oravit itaque horâ tertiâ, quia eâdem horâ Christus ad mortem crucis damnatus, & Spiritus S. Ecclesiæ primitivæ datus est. Sextâ, quia tunc benignissimus Salvator in Calvario Monte pro salute Mundi in ligno crucis affixus est. Nonâ, quia tunc in cruce expiravit, & ex aperto illius latere sanguinem & aquam copiosè ad redemptionem nostram subministravit; unde S. Ambrosius: *Ex illo, ait, corpore defuncto vita manabat: aqua enim & sanguis exivit: illa qua diluat, iste qui redimat.*

S. Ambrosius in
6. 23. Luca.

Dan. 6. 16.

4. Fuit autem hæc trina oratio de die S. Danielis contra edictum Regis fomes ac causâ, quod accusantibus & invidentibus Babyloniarum proceribus vivus in lacum leonum missus fuerit: *Tunc Rex præcepit, & adduxerunt Danielem, & miserunt eum in lacum leonum, allatusque est lapis unius, & positus est super os lacus, quem obsignavit Rex annulo suo, & annulo optimarum suorum.* Cui divino Vati & Martyri, nunc inter feroces ac famelicos leones commoranti, & quasi vivo sepulto illud pro lemmate adscribo, quod Ecclesia Christo in cruce mortuo, & ad inferos descendenti in hymno S. Crucis applicare solet: *Tulit prædam Tartari, dum videlicet ora leonum Dominus conclusit, prædamque adeò desideratam ex eorum faucibus eripuit, & sic quodamodò de novo Danielem ad vitam resuscitavit.* In quo juxta montem Ruperti & aliorum Daniel non tantum Martyr, sed & singularis typus Christi patientis, in cruce morientis ac dein resurgentis extitit, quem pari modo impii Judæorum proceres ex invidia per iniquam Pilati sententiam ad necem crucis adegerunt, & ita quodamodò etiam ad lacum leonum condemnarunt, in quo obsederunt eum canes & leones multi; sed ille, ut novus ac verus Daniel, eluso eorum astu & insidiis, tertiâ die gloriosus à mortuis resurrexit, *tulitque prædam tartari, dum omnes adversarios suos redivivus, ut Daniel, confudit, infernum spoliavit, mortem supe-*

Rup. in Dan.
cap. II.

superavit, & diabolum inferno alligavit. Adverte hic pro doctrina morali, quod S. Augustinus tibi inlinuat: *Venit ergo Christus, & alligavit diabolum.* Sed dicit aliquis: *Si alligatus est, quare adhuc tantum pravalet?* Verum est fratres charissimi, quia multum pravalet, sed tepidis & negligentibus, & Deum in veritate non timentibus dominatur: alligatus est enim tanquam in nexu canis catenis, & neminem potest mordere, nisi eum qui se illi mortifera securitate conjunxerit. Jam videte fratres, quam stultus est homo ille, quem canis in catena positus mordet. Tu te illi per voluntates & cupiditates saeculi noli conjugere, & ille ad te non praesumat accedere. Latrare potest, sollicitare potest, mordere omnino non potest nisi volentem; non enim cogendo, sed suadendo nocet, nec extorquet à nobis consensum, sed petit. Et tu, qui haec legis, dabis illi cani rabido ac tartareo consensum tuum? Absit, absit!

5. Daniel ulterius typus Christi fuit, dum erat abductus in Babylonem, factus ibidem servus. Sic & Christus, qui è cælo in Babylonem, hoc est in hunc mundum confusione plenum, per incarnationem descendit, formam servi accipiens, omnium servus factus est, & tandem pro omnium salute in crucem actus.

Daniel superbum Nabuchodonosorem humiliavit, dum ei somnium de arbore succisâ interpretatus est, & Regem ad bestias relegandum praedixit. Sic Christus superbos humiliat, & exaltat humiles, & cruci cervices submittere compellit.

Daniel Bel idolum destruxit, & immanem draconem occidit: *Et disruptus est draco.* Christus per crucem suam idola in toto mundo confregit, & diabolo, draconi illi magno vires ademit, eumque enervavit, & quasi occidit. Proinde non incongruè S. Theodorus Studita in Canone de Adoratione S. Crucis hæc de S. Daniele posuit: *Magnus Propheta Daniel missus quondam in lacum leonum, manibus crucis in speciem expansis, incolumis ex faucibus bestiarum evasit, benedicens Christum Deum in saecula.*

6. Ad exempla Sanctorum in novo Testamento venio. S. Sartyrus Martyr idolum unico flatu, & signo S. Crucis confregit, & ideo, quia constanter Christum pro salute nostra crucifixum praedicaverat, capite à Gentilibus amputato, grata Christi victima cecidit.

S. Aventinus Episcopus demonem personatum, qui in specie foeminae plorantis, & à praedonibus spoliata mentitæ ad ipsum venerat, ut puritati ejus laqueum pararet, signo crucis facto vicit, & in fugam egit, qui eodem salutari crucis signo fontem elicuit, pestem sedavit, lepram fratris curavit; è cujus morientis ore columba candida in cælum evolare visa est.

S. Theodorus Dux per signum Crucis draconem interfecit; cum ad crucem à Gentilibus raperetur, divinam hanc vocem audivit: *Macte animo,*

Gimber Unus pro omnibus.

Q

animo,

122 *Consideratio XXXII. Daniel typus Christi crucifixi.*

Idem. 7. Febr. *animo, Theodore! ego tibi adero: Crucis deinde affixus, puerorum telis scopus factus, ad cœlum migravit.*

Idem. 26. Febr. S. Porphyrius, cum Christum in cruce pendentem ac saucium vidisset, ad eum boni latronis exemplo animatus, confidenter dixit: *Domine, memento mei, cum veneris in regnum tuum.* Et ecce mox Christus ad eum conversus, osculum illi præbuit, & in signum peculiaris amoris propriam Crucem ferendam ipsi consignavit.

Vita 14. Febr. S. Valentinus Episcopus, qui cum in equuleo, tanquam in cruce suspensus, à tortoribus ad ossa usque ac nervos dirissimè caderetur, lætus, dicebat: *Gratias tibi ago, Domine JESU Christe, qui me inter servos tuos numerare dignatus es: capite postea plexus Martyr.*

7. Vides ex his dictis, anima Christiana! quam gloriosus finis te maneat, si pari ratione cum S. Daniele, aliisque SS. Martyribus & Servis Dei persecutiones ac tribulationes hujus mundi ob amorem Crucifixi Salvatoris tui patienti animo sustineas: *Si putas, sunt verba S. Augustini, te nondum habere tribulationes, nondum cepisti esse Christianus. Et ubi est vox Apostoli: Omnes qui volunt in Christo piè vivere, persecutionem patiuntur? Si ergo non pateris pro Christo ullam tribulationem, vide, ne nondum ceperis in Christo piè vivere.*

Occurrit hic Emblemata optimi cujusdam amici, qui fidelem amicum suum in tribulatione solaturus, cœlum turbidum & iratum pingi curavit, & ex illo fremenda coruscantia fulgura & fulmina, cum lemmate: *Serenabit.* Sic sunt omnes hujus mundi tribulationes: *Post tenebras, ait Job, spero lucem.* Sic post bellum pax, post noctem dies, post pluvias serenitas, post morbum sanitas, post hyemem æstas, post luctum gaudia aeterna: *Grata superveniet, qua non sperabitur hora.*



CON-